

Bosna i Hercegovina
Federacija Bosne i Hercegovine
Srednjobosanski kanton
OPĆINA GORNJI VAKUF – USKOPLJE
OPĆINSKO VIJEĆE

Broj: 01-04.1- /21
Datum, 27.08.2021.godine

Z A P I S N I K

sa 6. sjednice VI saziva Općinskog vijeća općine Gornji Vakuf – Uskoplje, održane 03. augusta 2021. godine u Velikoj sali Općine Gornji Vakuf - Uskoplje, sa početkom u 10⁰⁰ sati.

Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijic Senad, Pomoćnik načelnika Matijanić Branko, predsjednik OO SBB Puljarga Sabahudin, VD predsjednica UO JU Dom zdravlja Boškić Luca, VD direktora JU Dom zdravlja Karalić Adnana, RTV Bugojno.

Sekretar općine Prijic Senad, je izvršio prozivku prisutnih vijećnika, tako da je na sjednici bilo prisutno 20 vijećnika i to: Karahodžić Alisa, Duratbegović Nijaz, Milanović Emir, Zahirović Armin, Duvnjak Majda, Brzika Amra, Šupčić Nesib, Muminović Elma - SDA, Batinić Goran, Novaković Marin, Jurina Danijela, Jurleta Franjo, Žuljević Ivica – vijećnici Hrvatske liste HDZ BiH, HDZ 1990, HSP BiH i HSS Stjepan Radić, Gekić Edin (otišao sa sjednice u 10¹⁰), Karamustafić Naser, Hajrić Amel, Kičin Kadir (otišao sa sjednice u 10¹⁰), Crnica Kenan (otišao sa sjednice u 10¹⁰)– BH BLOK, Abazović Muris-SBB, Lelak Selvedin -nezavisni vijećnik.

Pravdala izostanak Novaković Ana - HL
Godišnji odmor Krajina Marinko i Posavac Ivo - HL

Batinić G.-predsjednik OV-a

- Prije nego predložim današnji dnevni red, želim vas upoznati sa razlozima za sazivanje današnje sjednice s dvije tačke dnevnog reda, bez prethodno održane sjednice Kolegija vijeća.
- Kao što je poznato u ovom terminu nije planirana sjednica Općinskog vijeća prema Planu i Programu rada Općinskog vijeća za ovu godinu, stoga se danas zbog tehničkih razloga na dnevnom redu nisu našla vijećnička pitanja i zapisnik s prethodne sjednice.
- Na protokol Općinskog vijeća, kao i na protokol Općinskog načelnika iz JU Dom zdravlja Gornji Vakuf-Uskoplje proslijeđen je Zaključak Općinskog suda iz Travnika, kojim se od JU Dom zdravlja Gornji Vakuf-Uskoplje traži dopuna Prijave u postupku upisa promjene osobe ovlaštene za zastupanje, koja se jednim dijelom odnosi na akte koje donosi Općinsko vijeće Gornji Vakuf-Uskoplje.
- Budući da su predmetne radnje hitnog karaktera u cilju nesmetanog funkcionisanja navedene javne ustanove, Općinski načelnik je na osnovu člana 60. Poslovnika o radu Općinskog vijeća Gornji Vakuf-Uskoplje, zatražio sazivanje današnje sjednice što sam i prihvatio, da bi Općinsko vijeće kao osnivač JU Dom zdravlja Gornji Vakuf-Uskoplje u najkraćem roku donijelo potrebne akte bez kojih se ne može izvršiti upis promjene osobe ovlaštene za zastupanje u Općinskom sudu u Travniku.
- Za današnju sjednicu Općinskog vijeća predlažem sljedeći

DNEVNI RED:

1. Prijedlog Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje, hitni postupak
2. Prijedlog Zaključka o davanju saglasnosti na Odluku o izmjenama i dopunama Statuta JU Dom zdravlja Gornji Vakuf-Uskoplje

Batinić G.-predsjednik OV-a

- Prije nego otvorim raspravu o predloženom dnevnom redu, budući da imamo tačku dnevnog reda koja je predložena da ide po hitnom postupku, prva tačka, želim podsjetiti da u članu 124. Poslovnika o radu Općinskog vijeća Gornji Vakuf-Uskoplje stoji da u prijedlogu za donošenje odluke ili općeg akta po hitnom postupku vijeće odlučuje kao o prethodnom pitanju u toku rasprave o dnevnom redu.
- Dakle, nakon eventualnih prijedloga za dopunu dnevnog reda izjasnit ćemo se o tome dali prihvatamo prijedlog za donošenje akta po hitnom postupku, a nakon toga ćemo glasati o predloženom dnevnom redu.
- Otvaram raspravu o predloženom dnevnom redu

Diskusije:

Crnica K.-ispred kluba BH Blok

- Pošto su na dnevnom redu samo dvije tačke, prijedlog kluba BH Blok je da dnevnicu vijećnika za današnju sjednicu usmjerimo prema ŽRK „Sloga“, kao nagrada za osvojeno državno prvenstvo.

Kičin K.-BH Blok

- Predložio bih proširenje dnevnog reda današnje sjednice, s tim da prva tačka dnevnog reda glasi; *usvajanje zapisnika sa prethodne sjednice Općinskog vijeća* i druga tačka da bude; *vijećnička pitanja*, i da posljednja tačka dnevnog reda bude; *medijski prijenos sjednica Općinskog vijeća Gornji Vakuf-Uskoplje*.

Batinić G.-predsjednik OV-a

- Zamolio bih sekretara da nas upozna o prvoj tački dnevnog reda, odnosno *hitnom postupku*

Prijčić S.-sekretar

- Vi ste Predsjedniče već objasnili šta je suština *hitnog postupka*, otprilike to je potreba za do registracijom u Općinskom sudu Travnik JU Dom zdravlja, gdje je naloženo od strane sudije da se mora u cilju doregistracije izvršiti usklađivanje osnivačkog akta, te izmejnje i dopune Statuta javne ustanove da bi se moglo pristupiti doregistraciji, odnosno da bi se mogla upisati kao odgovorna osoba direktorica JU Dom zdravlja, to je razlog za hitni postupak.

Batinić G.-predsjednik OV-a

- Što se tiče prijedloga vijećnika K. Crnice, želim da kažem da je to lična odluka svakog od vijećnika, dakle kada dobijete svoju dnevnicu lijepo je odnesete u ŽRK „Sloga“, rekao sam da je to lična odluka svakog od nas
- Kolega Kičin, u uvodu sam rekao da u ovom datumu nismo nikad održavali sjednice Općinskog vijeća, dakle nije planirana, tehnički nismo stigli pripremiti Zapisnik sa prethodne sjednice, stoga smo se odlučili da na osnovu člana 60. Poslovnika o radu sazovemo današnju sjednicu s dvije tačke dnevnog reda.
- Što se tiče tačke o medijskom prenosu, razgovarali smo prošli put usmeno, Ja vas sada upućujem na Poslovnik o radu, član 99. gdje je detaljno opisan postupak predlaganja i donošenja akta vijeća. Dakle, uputite inicijativu i nakon odrađenog postupka izjasnit ćemo se o njoj, kao i na prethodnoj sjednici vijeća. Dakle, nemamo se sad potrebe izjašnjavati o vašim dopunama za dnevni red.

Kičin K.-replika

- Interesuje me dali je ovo proceduralno ispravna odluka na ovakav način održavanja sjednice
- Uredu je hitni postupak, održavanje sjednice kao hitne ili tematske sjednice, trebala je drugačije da se zove a ne kao redovna sjednica.
- Prema Poslovniku o radu vijeća, na redovnoj sjednici, član 61.; *Članovima vijeća se uz poziv dostavlja prijedlog dnevnog reda uz odgovarajući materijal, zapisnik sa prethodne sjednice*. Nemamo ni zapisnik sa prethodne sjednice niti odgovarajući materijal, šta znači odgovarajući materijal.
- Član 35.; *Sjednice Kolegija održavaju se po potrebi a najmanje jedan put između dvije sjednice vijeća*, zašto nije održan Kolegij

- Smatram da se trebamo držati osnova statutarne procedure, danas proceduralno kršimo Statut i Poslovnik o radu Općinskog vijeća Gornji Vakuf-Uskoplje, radi hitnog postupka, s tim da su građani uskraćeni za vijećnička pitanja, uskraćeni su za zapisnik sa prethodne sjednice i za sve ostalo

Batinić G.- predsjednik OV-a

- Zapisnik kako sa prethodne, tako i sa ove sjednice vijeća ćete dobiti na narednoj sjednici koja je planirana u devetom mjesecu
- Od kada sam ja na čelu vijeća, dosad se po onome što ja znam nijednom nije prekršio Poslovnik o radu
- Ovo o čemu Vi govorite, kaže u članu 60;...*Predsjednik vijeća saziva sjednicu samoinicijativno na prijedlog Općinskog načelnika i jedne trećine članova vijeća.* Dakle imamo prijedlog Općinskog načelnika i sazva sam sjednicu.
- Činjenica jeste da se uz poziv dostavljaju odgovarajući materijali i zapisnik sa prethodne sjednice, vodili smo računa i o tome, ali ponavljam tehnički nismo bili spremni za zapisnik i vijećnička pitanja, stoga smo donijeli ovakvu odluku.
- Sjednica nije vanredna, materijale ste dobili sedam dana prije sjednice
- Dajem na glasanje da se Prijedlog Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje, uvrsti u dnevni red po hitnom postupku

Prijedlog Odluke da se u dnevni red po hitnom postupku uvrsti Prijedlog Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje usvojen sa većinom glasova (15 «za», 5 „vijećnika se nisu izjasnila”)

Batinić G.- predsjednik OV-a

- Sad dajem na glasanje predloženi dnevni red današnje sjednice Općinskog vijeća Gornji Vakuf-Uskoplje sa usvojenim prijedlogom za donošenje akta po hitnom postupku

Predloženi Dnevni red usvojen sa većinom glasova (15 «za», 1 „suzdržan”, 4 „vijećnika se nisu izjasnila”)

Ad. 1.

Prijedlog Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje, hitni postupak

Prijčić S.-ispred predlagača

- Dao je kratko obrazloženje Prijedloga Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje, hitni postupak

Diskusije:

Matijanić B.-ispred komisije za Statut i propise

- U članu 2. u stavu 1., iza riječi;...*Dom zdravlja Gornji Vakuf-Uskoplje*, treba otvoriti zagradu i staviti slovo *u* ; *tako da piše u daljem tekstu Dom zdravlja*
- U članu 3. umjesto riječi,...*pravnog...*, treba da stoji;...*pravne...*
- U članu 4. stav 3. treba napisati ispravan naziv odluke, tako da stoji;...*Odlukom o klasifikaciji djelatnosti Bosne i Hercegovine 2010.*, to je službeni naziv Odluke
- U članu 7. stav 2., iz riječi;...*ministra zdravstva...*; treba dodati;...*i socijalne politike...*, jer je to službeni naziv ministarstva
- Isto to uraditi u članu 9. u tački b), isto to uraditi u *članu 13., stav 3., alineja 3.*
- U članu 14. u stavu 3.;treba da stoji;...*uz suglasnost Općinskog načelnika...*, riječ *Općina* se briše
- U članu 20.; umjesto ...*nadležnog...*; treba staviti;...*općinskog...*

Prijedlog Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje, hitni postupak usvojen uz sugestije komisije za Statut i propise sa većinom glasova (16 „za“, 1 „vijećnik se nije izjasnio“)

Ad. 2.

Prijedlog Zaključka o davanju saglasnosti na Odluku o izmjenama i dopunama Statuta JU Dom zdravlja Gornji Vakuf-Uskoplje

Boškić Luca-VD predsjednica UO Doma zdravlja

- Dala je kratko obrazloženje prijedloga Zaključka o davanju saglasnosti na Odluku o izmjenama i dopunama Statuta JU Dom zdravlja Gornji Vakuf-Uskoplje
- Statut JU Dom zdravlja Gornji Vakuf-Uskoplje nije usklađen sa Federalnim zakonom o zdravstvenoj zaštiti
- Na Upravnom odboru smo napravili nužne promjene kako bi Dom zdravlja mogao funkcionisati, jedno vrijeme nije funkcionisao nikako, vi to dobro znate, ja kao građanin sam bila malo razočarana, ali VD direktorica je to stavila na svoje mjesto i nadam se da će tako biti i dalje.
- U članu 5. mijenja se naziv ulice, to je razlog, mijenja se član 2. i član 10. našeg Statuta
- Imam ovdje dokument od 26.03.2021. godini, gdje stoji da naš Dom zdravlja Gornji Vakuf-Uskoplje ima samo djelatnost „Opće medicinske prakse“, što naravno nije dobro, ne znam zbog čega je to urađeno, zato se to mora mijenjati
- Od 2010. godine upravni odbor JU Dom zdravlja treba da ima tri člana, dosada je bilo pet

Diskusije:

Matijanić B.-ispred komisije za Statut i propise

- Komisija predlaže upravnom odboru koji je propustio da uskladi član 29. i član 31. sa Zakonom o zdravstvenoj zaštiti
- U samoj Odluci o izmjenama Statuta treba dodati novi član 6. i član 7.; a ostali članovi da se pomjeraju u numeraciji za dva broja, a član 6.bi glasio;...u članu 29. Stav 1. Statuta riječi *Kantonalnog ministarstva zdravstva* zamjenjuju se riječima *Općinskog načelnika*
- Član 7. bi glasio; U članu 31. alineja 3. Statuta iza riječi *...imenuje i razrješava direktora ustanove...*; dodaju se riječi *...uz prethodnu saglasnost Općinskog načelnika...*

Hajrić A.-BH Blok

- Želim da mi se objasni član 11.;organizacija djelatnosti; stoji; *područne ambulante su Voljevac, Pajić Polje i Voljice*. Dali se Dom zdravlja izjasnio po ovom pitanju za prethodnu inicijativu sa prethodne sjednice vijeća za ambulante, MZ Bojska, Pajić Polje i Voljice.

Prijčić S.-sekretar

- Na prošloj sjednici smo usvojili Zaključak po vašoj inicijativi, taj zaključak kaže da će u narednom periodu sjesti uprava JU Dom zdravlja i Načelnik da tu stvar dogovore.
- Postoji jedan dokument ministarstva koji se zove Dokumentaciona osnova koja ustrojava mrežu zdravstvenog sistema na području Kantona. Ona je već usvojila da postoje tri područne ambulante koje su ovdje nabrojane, četvrte nema, to se treba dogovoriti sa ministarstvom i to su one radnje o kojima smo govorili prošli put da se trebaju napraviti, sada smo tek na početku i to u ovom trenutku nije moguće uvrstiti u Statut.

Karamuštafić N.-BH Blok

- Član 28. stoji;...*Predsjednicu i članove upravnog odbora imenuje i razrješava Općinsko vijeće na prijedlog Općinskog načelnika*...Zar nije komisija za izbor i imenovanje, što će nam onda komisija za izbor i imenovanje ako nam određuje sve jedna osoba.
- Član 11.;...u drugoj zgradi ove ustanove u ulici „Paločki put“ bb, bit će locirana „Dječja služba“, „Ginekološka služba“, „Fizijatrijska služba“, „Opšta služba“ i „priručne laboratorije“. Interesuje me šta se podrazumijeva pod pojmom „Opšta služba“, jeli to medicinska ili

nemedicinska.

- VD predsjednica upravnog odbora je rekla jednu licemjernu izjavu da Dom zdravlja jedno vrijeme nije ništa radio.
- Nemojte gledati rad ustanove kroz jednu osobu i menadžment, time vrijeđate mene i onih sto ljudi koji su dali maksimum da ustanova funkcioniše.

Batinić G.- predsjednik OV-a

- Odgovorio bih na prvo pitanje a neko drugi neka odgovori na drugo pitanje.
- Ovo što ste rekli;...*Predsjednicu i članove upravnog odbora imenuje i razrješava Općinsko vijeće na prijedlog Općinskog načelnika...*, dakle to je prepisano iz Zakona a komisija za Izbor i imenovanje provodi taj postupak, kao i sva ostala imenovanja.

Karalić A.-VD direktora Doma zdravlja

- Moram da kažem da me zaintrigirao dopis Općinskog načelnika kada je u pitanju uspostava još tri područne ambulante, čini mi se da niste realni u ovom momentu, imamo trenutno aktivnu samo jednu koja može biti aktivna svaki drugi, treći dan.
- Mislim da niste realni u zahtjevu iz razloga kapaciteta radnika koje mi imamo i ljekara. Otišla su četiri ljekara a dobili smo samo jednog i sa ovim kadrom ljekara ne možemo popuniti radno vrijeme ni u glavnoj ambulanti.
- Mogu da kažem da o područnim ambulantama možemo razmišljati tek onda kada se kapacitiramo sa ljekarima, trenutno jedva popunim raspored sa ljekarima.

Hajrić A.-replika

- Moram da kažem da sam ja svjestan trenutne situacije u Domu zdravlja, mi nismo tražili da se to odmah radi, nego da planiramo u skorijoj budućnosti.

Batinić G.- predsjednik OV-a

- Kolega Karamustafiću, komisija za Izbor i imenovanje utvrđuje prijedloge za izbore i imenovanje i razrješenje iz nadležnosti vijeća, dakle nema potrebe to ubacivati u Statut.

Karamustafić N.-replika

- Sve što nije zapisano nema ga, nije u Statutu zapisano a znamo daje on osnovni zakonski akt

Novaković M.-HL

- Očekivano je bilo da će se na ovoj sjednici malo kršiti Poslovnik o radu vijeća, možda smo trebali malo drugačije formulirati ovu tačku budući da je dr. Karalić imenovana na mjesto VD direktorice prije nekih mjesec dana
- Kolegi Hajriću je fino odgovorila u vezi područnih ambulanti u MZ Bojska, Pajić Polje i Voljice, problem je nedostatak liječnika
- Apelujem na sve nas da pokušamo da osiguramo bar još jednog doktora barem za početak, žao mi je direktorice jer joj je veoma teško popuniti ljekarima radno vrijeme u glavnoj ambulanti

Boškić L.-predsjednik UO Doma zdravlja

- Nasere, ja nikada nisam rekla da niko u Domu zdravlja nije ništa radio, ja sam govorila o Statutu i Zakonu o zdravstvenoj zaštiti iz 2010. Godine
- Slažem se da su radnici Doma zdravlja puno toga uradili u ove dvije godine i ja to cijenim
- Govorila sam iz ličnog iskustva da je nedostatak doktora specijalista kada mi je djetetu napukla kost ruke a nismo imali specijalistu u Domu zdravlja da mu pruži adekvatnu pomoć

Karamustafić N.-replika

- Nikada ja ne kažem nešto što nije tako, rekli ste da ništa nije valjalo u Domu zdravlja
- Radnici Doma zdravlja su dali svoj maksimum za vrijeme pandemije COVID 19
- Ne slažem se da se na osnovu Statuta „Opšta služba“ prebaci iz jedne zgrade u drugu zgradu, znamo šta znači „Opšta služba“, slažem se da nedostaje doktora, nadam se da će se to u narednom periodu riješiti

Batinić G.- predsjednik OV-a

- Predlažem pauzu od 10 minuta

(Pauza 10⁴⁵-10⁵⁵ minuta)

Matijanić B.-ispred komisije za Statut i propise

- Predlažemo da u tački 2. umjesto „osmog“ stoji „narednog“

Batinić G.- predsjednik OV-a

- Dajem na usvajanje slijedeći Zaključak o davanju saglasnosti na Odluku o izmjenama i dopuni Statuta JU Dom zdravlja Gornji Vakuf-Uskoplje: *Općinsko vijeće Gornji Vakuf-Uskoplje daje saglasnost na Odluku o izmjenama i dopuni Statuta JU Dom zdravlja Gornji Vakuf-Uskoplje od 03.08.2021.godine, uz obavezu Upravnog odbora JU Dom zdravlja da u konačan tekst Odluke o izmjenama i dopuni Statuta JU Dom zdravlja Gornji Vakuf-Uskoplje uskladi član 29. stav 1. i član. 31 alineja 3. Statuta sa Federalnim zakonom o zdravstvenoj zaštiti, prema prijedlogu Komisije za statut i propise Općinskog vijeća Gornji Vakuf-Uskoplje.*

Prijedlog Zaključka o davanju saglasnosti na Odluku o izmjenama i dopuni Statuta JU Dom zdravlja Gornji Vakuf-Uskoplje usvojen sa većinom glasova (17 „za“, 1 „vijećnik se nije izjasnio“)

Sjednica završena u 11⁰⁵ sati.

SEKRETAR

Prijić Senad

ZAPISNIČAR

Redžić Hidajet

PREDSJEDNIK
OPĆINSKOG VIJEĆA

Batinić Goran